

# NABOOM WINDPOMPFEES: AANSOEKVORM

EUPHORBIA CHRISTELIKE ONAFHANKLIKE SKOOL [ HIERNA VERWYS AS DIE SKOOL ]  
REGISTRASIENOMMER : 2005/005919/08 & 059-759 NPO

NAAM VAN MAATSKAPPY / UITSTALLER : \_\_\_\_\_

VERANTWOORDELIKE PERSOON : \_\_\_\_\_

AGENT/WERKNEMER : \_\_\_\_\_ TEL : \_\_\_\_\_

SEL NO : \_\_\_\_\_ FAKS : \_\_\_\_\_

E-POS ADRES : \_\_\_\_\_ WEBTUISTE : \_\_\_\_\_

STRAATADRES : \_\_\_\_\_

POSADRES : \_\_\_\_\_

PRODUKTE WAT UITGESTAL / VERTOON WORD [ GEBRUIK APARTE LYS INDIEN SPASIE ONVOLDOENDE ]

---

---

NAAM VAN PRODUK : \_\_\_\_\_

HET U VOORHEEN UITGESTAL BY FEESTE ? INDIEN WEL, BY WELKE FEESTE ?

---

DIE SKOOL behou die reg voor om te besluit welke produkte uitgestal mag word en om enige aansoek binne uitsluitlike diskresie af te keur. Terme en voorwaardes geld. Met ondertekening van enige aansoek, word die reëls en voorwaardes aanvaar. In geval van suksesvolle aansoek, betree die applikant die perseel op eie risiko en onderhewig aan sodanige terme en voorwaardes as wat die skool of genomineerde entiteit mag bepaal. Die skool gee geen ondernemings of waarborge nie, hetsy uitdruklik, stilswyend of by implikasie nie. In geval van goedkeuring word die stalletjietarief die eiendom van die skool.

SPASIE VERLANG : **Merk asseblief wat u verlang**

- 5m x 5m @ R1000
- 10m x 10m @ R1600
- 20m x 20m @ R2200
- 5m x 5m @ R1500  (saal stalletjies)
- Kosstalletjie @ R1500

TOEGANGSFOOI VIR UITSTALLERS:

Daaglikse toegangsfooi per persoon, of alternatiewelik spesiale fooi per persoon, vir volle duur van fees, betaalbaar. Betaal asb spesiale toegangsfooi saam met jou stalletjie, en kry kaartjies met registrasie. DUI ASB AAN HOEVEEL PERSONE VIR SPESIALE TOEGANG.

Daaglikse toegangsfooi betaalbaar by hekke - R60.00 p/p

Spesiale toegangsfooi per persoon vir 3 dae - R150 p/p - \_\_\_\_\_ persone

STALLETJIE NR TOEGEKEN : \_\_\_\_\_ DATUM BETAAL: \_\_\_\_\_

## REËLS EN VOORWAARDES VIR UITSTALLERS & BESOEKERS:

- 1. SLUITINGSDATUM:** Alle inskrywingsvorme moet die Feeskantoor bereik voor of op **15 APRIL 2010**. Die Organiseerders mag binne absolute diskresie 'n deposito versoek by individuele uitstallers, welke terugbetaalbaar is aan die einde van die verrigtinge en op voorwaarde dat die reëls en voorwaardes aan gehoor gegee is.
- 2. PLASING:** Let wel dat daar 'n beperkte hoeveelheid van genoemde stalletjies is. Tariewe en toegangstariewe word uiteengesit in die aansoekvorme. Stalletjieplasings word eers bevestig na ontvangs van betaling wat moet geskied voor **30 APRIL 2010** om u plek te verseker.
- 3. EVALUASIE:** Daar vind 'n keuringsproses plaas om kwaliteit te verseker en duplisering van produkte te verminder en om sodoende 'n wyer verskeidenheid van produkte daar te stel. **Dit beteken nie dat geen duplisering plaasvind nie, aangesien gesonde mededinging 'n erkende besigheidspraktyk is.** Die beslissing van die organiseerders t.o.v. die allokasie/aanwysing van stalletjies is finaal en geen korrespondensie sal daarvoor gevoer word nie. Kosstalletjies moet ook aan die plaaslike, asook enige ander toepaslike wetgewing en gesondheidsregulasies voldoen. Kosstalletjiehouers moet hulle eie brandblussers voorsien en voorsiening maak vir verkoelingstoerusting vir bederfbare produkte. Om gehalte te verseker, het die organiseerders die reg om te gelas dat produkte by aangewysde verskaffers aangekoop moet word. Die organiseerders mag ook 'n standaard van kos vasstel. Die aansoeker en werkers sal elke dag die vasgestelde toegangstarief by die hekke betaal, alternatiewelik die spesiale tarief betaal soos vasgestel vir die volle tydperk van die fees.
- 4. BETALING VAN KOSTES:** Suksesvolle aansoekers wat nie reeds betaal het nie, moet voor of op **30 April 2010** die verskuldigde bedrag in Naboom Windpompfees se rekening inbetaal (sien bankbesondeste op laaste bladsy). Kansellasies voor **30 April 2010** sal daar 'n kansellasiefooi van 10% van die stalletjetarief gehef word. U verwysingsnommer moet op die depositostrokke verskyn en moet die uitstaller die betalingsbewys faks na **086 502 1537**. Waar geen verwysing verskyn nie, sal die organiseerders nie aanspreeklik wees vir die nie-toekenning, die toekenning van 'n ander stalletjie, of vir enige skade wat die uitstaller mag ly nie. **Die volle stalletjie tarief moet betaal wees teen 30 April 2010.** 'n Betaling deur die Bank teruggeskryf, beteken outomatiese kansellasie van die aansoek en heraanwysing van die stalletjie.  
  
In die geval waar u versuim om teen **30 APRIL 2010** die volle aansoekgelde oor te betaal, verbeur u die uitstalruimte wat dan binne uitsluitlike diskresie van die Organiseerders hertoegeken sal word. In die geval waar u die stalletjie kanselleer na 1 Mei 2010 verbeur u die aansoekgelde reeds inbetaal.
- 5. WEBWERF EN FEESPROGRAM:** Dit is u verantwoordelikheid om alle logo's en kunswerke in **jpeg-formaat** in te stuur na [windpompfees@gmail.com](mailto:windpompfees@gmail.com) om te verseker dat u op die genoemde promosieblaaie verskyn, met sluitingsdatum **15 APRIL 2010**. **Dit is die Applikant se verantwoordelikheid om, op eie koste, die inligting in die regte formaat te verskaf.** Sou u nie die logo's aanstuur nie, mag dit wees dat u nie in die program adverteer nie, en ook nie op die webblad nie, maar sal geen korting toegestaan word op die

prys nie. Sou die inligting na 1 APRIL 2010 ontvang word, sal die organiseerders die inligting binne uitsluitlike diskresie op die webblad plaas.

6. **HANDELSURE: Die hekke** open op **10, 11 EN 12 JUNIE 2010 om 08h00 en sluit 22h00**, en moet stalletjies vanaf **08h00 tot 19H00** bedryf word, of soos andersins deur Organiseerders goedgekeur op skriftelike aanvraag. **Geen stalletjies mag sonder skriftelike toestemming voor 19H00 saans ophou handeldryf nie.**
7. **VOERTUIE: Geen voertuie sal op die terrein toegelaat word 10/11/12 JUNIE 2010 nie.** Tydens die fees sal daar 'n "shuttle service" beskikbaar wees teen 'n fooi om u benodigdhede in en uit die feesterrein te vervoer. U moet asb vooraf reël met die fees komitee as u van die diens gebruik wil maak. Die organiseerders behou die reg voor, om sonder kennisgewing, toegang van voertuie te weier, of indien reeds toegelaat, die vertrek daarvan op te skort en / of die tye van toegang / uitgang te verander, ten einde die veiligheid van publiek en uitstallers te beskerm. Alle voertuie wat nie deel uitmaak van u stalletjie uitstalling nie, moet Woensdag aand 09 JUNIE 2010 teen 19H00 verwyder word van die fees terrein. Uitstallers / besoekers *mag met geen voertuig op die terrein rondbeweeg, anders as hierin ooreengekom nie, welke insluit "gholfkarretjies", fietse, of "quad" fietse.* Die organiseerders behou die reg voor om enige voorwaarde aan individuele uitstallers op te lê.
8. **UITSTALRUIMTE:** Stalletjies wissel van grootte soos wat u dit bespreek het op aansoekvorm. Stalletjies word van 'n raamwerk voorsien. Waentjies moet deel van die stalletjie vorm of verwyder word na die toegewysde parkeerarea. Die grootste sorg word aan die dag gelê om stalletjies uit te meet volgens aangeduide groottes.

Uitstallers kan vanaf 9 JUNIE 2010 stalletjies voorberei. Geen voorbereiding van stalletjies mag plaasvind gedurende **10, 11 en 12 JUNIE 2010** nie. Geen stalletjies mag nie voor **Saterdag 12 JUNIE 2010 om 22h00** opgeruim en ontruim word, sonder skriftelike magtiging van die organiseerders nie, en onderhewig aan die diskresie soos in klousule 7 vermeld. Stalletjies kan ook Sondag **13 JUNIE 2010** opgeruim word. Geen stalletjies mag die terrein voor die tyd verlaat nie. **STALLETJIES WAT VOOR DIE TYD OPPAK EN VERTREK IS NIE GEREGTIG OP ENIGE TERUGBETALINGS NIE EN HET DIE ORGANISEERDERS DIE REG OM DEELNAME VAN TOEKOMSTIGE FEESTE TE WEIER.**

**GEEN PERSONE WORD SONDER MAGTIGING TOEGELAAT OM OP DIE TERREIN TE OORNAG NIE.**

Geen troeteldiere word by die stalletjies toegelaat nie. Stalletjiehouers is verantwoordelik vir die netheid van hul stalletjies. Alle stalletjies word voorsien van een 220V - kragpunt. Daar mag geen verwarmers, ketels of elemente getrek word op die kragpunt nie. Stalletjiehouers is verantwoordelik daarvoor om ***hul eie krag-verlengingskoorde te verskaf.*** Indien u meer krag verlang moet 'n spesiale reeling getref word met die organiseerders en sal daar 'n ekstra fooi gehef word.

Aangesien ons 'n buitelig fees aanbied, is u verantwoordelik vir u eie afdak, tafels, stoele, en ander uitstaltoerusting. Die Organiseerders aanvaar geen verantwoordelikheid vir produk(te) wat bederf of nie verkoop nie. Neem kennis dat daar 'n toegangsfooie vir die

publiek gehef word by die Naboom Windpompfees te Buffelshoek Agri Depot. Geen drank of kos mag op die perseel gebring word nie, anders as per uitstaller magtiging nie.

- 9. SIGBARE LOGO'S:** Uitstallers word toegelaat om hulle eie naamborde aan te bring by die stalletjies. Dit mag egter nie u buurman se sig versper of in sy area wees nie. Die gebruik van Naboom Windpompfees logo of naam is streng verbode en mag nie sonder goedkeuring van die organiseerders gebruik word nie. Aansoeke in die verband kan direk aan die organiseerders gerig word by [windpompfees@gmail.com](mailto:windpompfees@gmail.com) / **086 502 1537**. Die gebruik van enige borge, of die ten toonstelling van enige borge se logo's, promosies, ens. is verbode. Indien enige aansoeker geborg word deur enige instansie / entiteit, en daar word verlang dat enige borde, kennisgewings of advertensie aan die borg gegee word, moet die aansoeker vooraf skriftelike magtiging verkry vir die vertoning, uitstalling of advertering van die voorgenome borg. Sou geen skriftelike magtiging in besit wees van die uitstaller nie, kan die organiseerders die aansoeker versoek om die items te verwyder en / of om die terrein onmiddellik te verlaat. Enige inbetaling of voordeel sal verbeur word deur die uitstaller. Indien 'n borg van die organiseerders as borg onttrek, of gedeeltelik onttrek, weens die vertoning, advertensie en / of promosies van 'n borg van 'n uitstaller, of 'n verskaffer in kompetisie met die organiseerder se borg, sal die uitstaller aanspreeklik wees vir enige verlies wat die Organiseerders mag ly.
- 10. SEKURITEIT:** Naboom Windpompfees verskaf voltyds sekuriteit, maar kan nie aanspreeklikheid aanvaar vir enige verliese of skade nie. 'n Persoonlike wag vir u stalletjie kan met die Fees se amptelike sekuriteitsdiens, vir u eie rekening, gereël word. Die firma se besonderhede is op aanvraag beskikbaar. Geen fotos of videos van kunstenaars / optredes mag gemaak of gebruik word sonder die toestemming van die organiseerders.
- 11. VERBLYF** Stalletjiehouers is verantwoordelik vir hul eie reis-en verblyfreëlings. Vir hulp in die verband skakel die feeskantoor by [windpompfees@gmail.com](mailto:windpompfees@gmail.com) .
- 12. REGISTRASIE:** Alle gekeurde stalletjiehouers kan vanaf **WOENSDAG 9 JUNIE tussen 09h00 en 17h00** op die terrein registreer. **LW : GEEN REGISTRASIE KAN NA 17H00 OP 9 JUNIE 2010 OP DIE FEESTERREIN GEDOEN WORD NIE. DIE TOEGANGSHEKKE SLUIT OM 17H00 EN NIEMAND SONDER TOEGANGSREËLINGS SAL TOEGELAAT WORD NIE.** By registrasie word toegangskaartjies uitgereik / oorhandig vir die uitstaller en soveel werkers as waarvoor betaling ontvang is. Gekeurde aansoekers wat nie op hierdie dag registreer nie, verbeur hul fooie en hul stalletjies waarna Naboom Windpompfees dit sal herverhuur. Na registrasie kan stalletjiehouers uitpak. Stalletjiehouers se gedrag mag nie steurend vir ander stalletjies wees nie. Geen uitstaller mag in 'n bakleiery betrokke raak, enige onaangenaamheid veroorsaak, of na ure op ongemagtigde plekke beweeg of slaap nie. Enige dispuut moet na die Organiseerders verwys word wat 'n finale besluit sal neem wat op die betrokkenes van toepassing sal wees.
- 13. VERBREKING :** Indien enige uitstaller enige voorwaarde verbreek, of aan wangedrag skuldig is, sal die organiseerders geregtig wees om die uitstaller te versoek om enige item te verwyder, enige handeling, aktiwiteit of gedrag te stop of te verrig, of gehoor te gee aan enige reel, versoek, of opdrag, die uitstaller versoek om die terrein en stalletjie onmiddellik

te ontruim, of dit te laat ontruim. Die uitstaller sal ook enige voordeel en / of betaling verbeur, en mag die organiseerders ook enige verbode items konfiskeer. Die uitstaller mag ook registrasie van toekomstige feeste geweier word.

**14. VRYWARING:** Naboom Windpomp Feesterrein word betree op eie risiko en aanvaar die Organiseerders, Euphorbia C.O. Skool, Buffelshoek Agri Depot, die borge, asook die bestuur en werkers geen aanspreeklikheid vir enige skade, verlies, dood en / of besering nie. Die applikant vrywaar werknemers, die organiseerders, Euphorbia C.O. Skool, Buffelshoek Agri Depot, die borge asook die bestuur en werkers vir enige skade, verlies, dood en / of besering. Met betreding van perseel word toegestem in persoon, as ouer / voog, en behoorlik daartoe gemagtig deur enige gade, word onherroeplik toestemming verleen dat ek / ons / die minderjarige aan al die aktiwiteite van die Fees mag deelneem. Die werknemers, organiseerders Euphorbia C.O Skool, Buffelshoek Agri Depot, die borge en kunstenaars word gevrywaar en indemniseer van enige eis wat ek / ons / die minderjarige mag verkry voortspruitend uit, en opgedoen op enige wyse, hetsy voortspruitend uit die betreding, deelname aan aktiwiteite, bywoning van verrigtinge, besoek aan diere, of andersins op enige ander wyse opgedoen, ingesluit verlies of besering of dood, en hou die entiteite skadeloos. Ek / ons is bewus dat diere *contra naturam* mag optree, ongeag of hulle opgeleide diere is, en moet te alle tye as gevaarlik beskou word. Ek / ons is bewus dat daar geen diensverhouding tussen die uitstallers, kunstenaars, verskaffers van vermaaklikheid, eienaar van die eiendom en die Organiseerders van die Fees bestaan nie. Ek / ons / die minderjarige betree die eiendom en neem deel aan aktiwiteite op eie risiko, en welke risiko ek namens myself / onself en die minderjarige aanvaar. Ek stem gevolglik toe tot moontlike benadeling, en is bewus dat ek / ons die minderjarige skade, verlies en of besering, asook lewensverlies mag ly uit deelname aan aktiwiteite en / of uit betreding van die eiendom.

Ek / ons is vertrouwd met die gevolge van hierdie afstanddoening, verstaan dit en doen dit uit vrye wil en sonder enige beïnvloeding of oorreding.

Die Organiseerders behou die reg voor om te eniger tyd die Reëls en Voorwaardes sonder kennisgewing te wysig.

---

Let asseblief daarop dat met ondertekening van aansoek word bevestig dat die applikant vertrouwd is met die voorwaardes en reëls, en dit aanvaar. Alle voltooide aansoeke asook die bladsy, moet behoorlik onderteken en teruggefaks word na **086 502 1537** of per e-pos gestuur word na [windpompfees@gmail.com](mailto:windpompfees@gmail.com)

## OP LAS, ORGANISEERDERS

---

DATUM

---

GETEKEN

### **BANKBESONDERHEDE:**

Bank:	Eerste Nasionale Bank
Takkode:	260-348
Naam van Rekening:	Windpompfees
Rekeningnommer:	62 171 395 984 ( Spaarrekening )